

Evening Dogri News Bulletin, 19 June 2024

इवनिंग डोगरी न्यूज़ बुलेटिन

समे-18:15 Hrs

Headlines

- 1 प्रधानमंत्री नरेंद्र मोदी होंरें बिहार दे राजगीर च नालंदा युनिवर्सिटी दे नमें परिसर दा उद्घाटन कीता। उनें आखेआ जे युनिवर्सिटी दा एहू नमां परिसर भारत दी समर्थ ते ताकत दा प्रतीक ऐ।
- 2 उपराश्ट्रपति जगदीप धनखड़ होंरें आखेआ ऐ जे भारत दी अर्थ बवस्था च जनजातीय समाज दा बड़ा बड्डा जोगदान ऐ।
- 3 उत्तरी कश्मीर दे बारामूला जिले दे हादीपोरा सोपोर च सुरक्षाबलें ते आतंकवादिएं बश्कार जारी टाक्करे च 2 आतंकवादी मारे गे'न।
- 4 केंद्री मंत्री चिराग पासवान होंरें पूरे भारत च खाद्य टेक्नोलाजी उद्यमिता ते प्रबंधन सरबंधी राश्ट्री संस्थान लेई बिस्तार योजनाएं दा ऐलान कीता ऐ।

<><><><><><>

PM-Nalanda

प्रधानमंत्री नरेंद्र मोदी होंरें आखेआ ऐ जे 2047 तगर भारत गी विकसित राश्ट्र बनाने च ज्ञान बड़ी महत्वै आहली भूमिका निभाई सकदा ऐ। अज्ज नालंदा युनिवर्सिटी च किट्टु अगगे भाषण दिंदे होई श्री मोदी होंरें आखेआ जे शिक्षा ते ज्ञान सरबंधी अपनी प्रणाली गी तगड़ा बनइयै भारत महाशक्ति बनने दी उपलब्धि हासल कर सकदा ऐ। प्रधानमंत्री होंरें बिहार च नालंदा युनिवर्सिटी दे नमें परिसर दा अज्ज उद्घाटन कीता। उनें आखेआ जे नालंदा युनिवर्सिटी स्टाडी पंछान ते रिवायतें दी इक बड्डी मिसाल ऐ। श्री मोदी होंरें आखेआ जे उंदी सरकार प्राचीन परंपराएं दे लोकाचार पर कम्म करा रदी ऐ ते इस्सै सिलसिले च अंतरराश्ट्री सौर गठबंधन गी बी मजबूत बनाया जा'रदा ऐ। उनें आखेआ जे उंदी सरकार भारत गी शिक्षा दे खेत्तर च नमीं पंछान दोआइयै ज्ञान दे इक बड्डे केंद्र दे रूप च फही स्थापित करने दे जत्त करै करदी ऐ। इस मौके पर बोलदे होई विदेश मंत्री डॉ. एस जयशंकर होंरें आखेआ जे युनिवर्सिटी दा इतिहास बड़ा गौरवशाली रेय दा ऐ। उनें आखेआ जे शिक्षा, सिखलाई ते समर्थ निमूर्ण अंतरराश्ट्री समझ गी बढ़ावा देने दे सब्बनं शा असरदार तरीके न। 17एं मुलखें दे राजदूतें बी इस कार्यक्रम च हिस्सा लैता।

<><><><><><>

VP-Sickle Cell

उपराश्ट्रपति जगदीप धनखड़ होंरें आखेआ ऐ जे भारत दी अर्थ बवस्था च जनजातीय समाज दा बड़ा बड्डा योगदान ऐ ते एहू समाज स्टाडी पंछान ऐ। श्री धनखड़ होंरें अज्ज मध्य प्रदेश च सिक्कल सैल दे खात्मे सरबंधी कुल संसारी ध्याड़े दे मौके पर लोआए गेदे कार्यक्रम गी संबोधित करै करदे हे। उनें आखेआ जे सरकार इस बमारी दे खात्मे लेई बचनबद्ध हे। उनें आखेआ जे सरकार इस बमारी दे खात्मे लेई बचनबद्ध ऐ। उनें गलाया जे सिक्कल सैल बमारी दे इलाज गी आयुष्मान कार्ड च शामिल करियै सरकार नै अपने इस धेइये दा सबूत बी देई दिता ऐ। उनें आखेआ जे सरकारै पिच्छले 10एं बरें दरान जजातीय समुदायें लेई केई प्रावधानें गी लागू कीता ऐ। उनें आखेआ जे एहू स्टाडी सांझी जिम्मेदारी ऐ जे अस इस बमारी गी 2047 तगर जड़ थमां खत्म करी देचै। श्री धनखड़ होंरें उपराश्ट्रपति भवन च जडी-बूटिएं सरबंधी हर्बल गार्डन स्थापित करने दा ऐलान बी कीता।

<><><><><><>

PM-Sickel Cell

प्रधानमंत्री नरेंद्र मोदी होंरें आखेआ ऐ जे केंद्र सरकार सिक्कल सैल बमारी दिएं चुनौतिएं कन्नै निब्वडने लेई टेक्नोलाजी दा मेते शा मता इस्तेमाल करै करदी ऐ। अज्ज सिक्कल सैल सरबंधी कुल संसारी ध्याड़े दे मौके पर श्री मोदी होंरें इस बमारी पर काबू पाने आस्तै अपनी सरकार दे धेइये गी फही पक्का कीता। सोशल मीडिया दी इक पोस्ट च उनें आखेआ जे पिच्छले बरे सरकार नै राश्ट्री सिक्कल सैल एनीमिया उन्मूलन मिशन शुरू कीता हा ते ओहू इस सरबंधी च जागरूकता पैदा करने, व्यापक जांच, बमारी दा तौले पता लाने ते उचित दिक्खभालसने नेकां पैहलुएं पर कम्म करै करदी ऐ। सेहत मंत्री जे.पी. नड्डा होंरें आखेआ जे सरकार तौले निदान गी बढ़ावा देने, इलाज तगर पुज्ज जकीनी बनाने ते रोगिं दी दिक्खभाल बधाने पर ध्यान केंद्रित करै करदी ऐ।

<><><><><><>

Juol Oram-SiKkel Cell

अज्ज जनजातियें मामलें दे केंद्री मंत्री अुआल ओरम होरें आखेआ जे सिक्कल सेल गी लेइयै सब्बनें शा बड्डी गलतफहमी एहू ऐ जे एहू बमारी छड्डी जनजातिएं गी प्रभावित करदी ऐ। नमीं दिल्ली दे एम्स च इक राश्ट्रीय सम्मेलन गी संबोधित करदे होई ओरम होरें गलाया जे मते कोला मते लोकें गी इस बारे जागरूक करने दी लोड ऐ जे एहू बमारी कुसै गी बी होई सकदी ऐ। उनें आखेआ जे एहूदे इलाज गी मनुक्ख विकास दे चश्मे थमां दिक्खना लोडचदा। मंत्री होरें इब्बी आखेआ जे जमीनी स्तर ग्राम पंचैतें ते आंगनवाडिं गी लोडचदा ऐ जे ओहू इस बमारी दी जांच करदे रौहना। मंत्री होरें इब्बी गलाया जे बक्ख-बक्ख मंत्रालयें ते विभागें गी इस बमारी कन्नै पैदा होने आहली चुनौतिं बारै जानकारी नेई ऐ, जेदे चलदे आपसी सहयोग अत्त लाजमी होई जंदा ऐ।

<><><><><><>

Hajj Pilgrims

इस बरे भीषण गर्मी च तापमान 50 डिग्री दे कोलकाल पुज्जने दी वजह कन्नै हज यात्रा करने गेदे यात्रिं च तकरीबन 550 लोकें अपनी जान गोआई। इजिप्ट दे तकरीबन 320 यात्रुएं लू लग्गने करी जान गोआई दित्ती। जोरडन राजनयिक सूत्रें मुजब उंदे मुल्ख च इस वजह कन्नै तकरीबन 60 जानां जाई चुकी दियां न ते हुन बी एहू आंकड़ा लगातार बधा रदा ऐ। हज करने दी रीती रिवाजें च माउंट अराफत दे बार केई घंटें खडोइयै दिनें दे बेल्ले मत्था टेकेया जंदा ऐ। इस वजह कन्नै जिंदगी च इक बार मक्का जाने लेई मनुक्ख तंदरूस्त होना लोडचदा। हज दी जात्तरा इस्लाम दे 5 स्तम्भें च इक ऐ। एहू जात्तरा भीषण गर्मी दे म्हीने च कीती जंदी ऐ। हालांकि गर्मी दे बचा आस्तै कई हीले कीते जंदे न पर इस बरे तापमान भलेआं ज्यादा बधने करी सारे प्रसास घट्ट पेई गए।

<><><><><><>

IMD-Weather

भारती मौसम विभाग नै आखेआ ऐ जे पच्छमी ब्हाएं च खोहल दे चलदे उत्तर भारत च कल ते अत्तरुं दऊं दिन लोकें गी जबरदस्त गर्मी शा आंशिक तौर पर राहत थहोने दी मेद ऐ। मौसम विभाग दे वैज्ञानिक आर.के जेनामनी हुंदे मुजब पंजाब, हरियाणा ते दिल्ली च गरज-चमक कन्नै बरखा बरने ते हौली बरखा दी बी मेद ऐ। उनें गलाया जे दिल्ली च अज्ज तापमान च 1 शा 2 डिग्री दी कमी दर्ज कीती जाई सकदी ऐ। उत्तर ते मध्य भारत च बड्डी भारी गर्मी ते बडे मते तापमान बारै जेनामनी होरें गलाया जे मकामी सांझे कारणें दे मेल जिआं पच्छमीं ब्हाएं च खोहल दा सरगर्म नेई होने, दऊं म्हीनें तगर बरखा नेई होने ते अल नीनो दे असर दे चलदे नेय हालात पैदा होए ना उनें दस्सेआ जे अगले 5एं दिनें दरान उत्तर पच्छमी मानसून दे मध्य ते पूर्वी भारत च पुज्जी जाने दी मेद ऐ।

<><><><><><>

Murgon-Kisan

सूचना ते प्रसारण दे केंद्री राज्यमंत्री डॉ. मुरुगन होरें आखेआ जे प्रधानमंत्री हुंदे लगातार त्री बारी इस औहदे उप्पर सगंध लैने कन्नै एहू गल्ल पता लगदी ऐ जे उंदी सरकार युवाएं, महिलाएं ते गरीबें आस्तै कम्म करा रदी ऐ। कल तिरुवंन्नामलाई च मीडिया कन्नै गल्ल करदे होई मंत्री होरें गलाया जे प्रधानमंत्री हुंदे इस त्रीए कार्यकाल च सब्बनें शा पैहले पी.एम किसान स्कीम दी 17मीं किश्त जारी कीती गई ऐ। उनें इस गल्ल लेई खुशी जाहर कीती ऐ। उनें एहू आश्वासन दित्ता जे इस स्कीम दे तैहत करसानें गी कीती साहुकारें कोला लोन लैने दी लोड नेई पौग की जे ओहू आपुं गै राईबाई उप्पर खर्चा करने दे लायक होई जाडन।

<><><><><><>

Encounter-JK

उत्तर कश्मीर दे बारामुला जिले दे हादीपुरा सोपुर च सुरक्षाबलें ते आतंकवादिं दे बश्कार होआ रदे इक्क टाकरे च 2 आतंकवादिं गी मारी मकाया गेआ ऐ। पुलस सूत्रं दी जानकारी मुजब इस इलाके च आतंकवादिं दी मौजूदगी दी जानकारी मिलने मगरा उत्थे इक तपाशी अभियान चलाया गेआ। एहू तपाशी अभियान टाकरे च बदली गेआ। इस टाकरे दरान आतंकवादिं सुरक्षाबलें उप्पर गोलीबारी कीती। एहूदे परते च हुनै तोडी सुरक्षा बलें 2 आतंकवादियें गी मारी मकायां इस बारे तफसीली जानकारी आना अजें बाकी ऐ।



Arrest-Doda

डोडा जिले दे तरूण इलाके च पुलस ते सेना दी संयुक्त टीम नै इक युवक गी पकड़ेआ जेड़ा एसपीओ दी राइफल लेइयै फरार होई गोआ हा। एसपीओ सफदार हुसैन होर गड्डी च बेइये अपने ग्रां जा'रदे हे जिस दौरान इक्क मोहम्मद रफी नां दे मकामी युवक नै उंदी राइफल खोई लैती ते फरार होई गोआ। इस घटना दे तुरत मगरा इक व्यापक तपाशी अभियान चलाया गोआ। एसएसपी डोडा जावेद इकबाल होरें आखेआ।



Paswan-Food

सरकार हर राज्य च राष्ट्रीय खाद्य टेक्नोलाजी ते प्रबंधन सरबंधी राष्ट्रीय संस्थान यानि NIFTEM बनाना चाहंदी ऐ ते ओह इस इदादे गी ध्यान च रखदे होई अगगे बधा'रदी ऐ। एह जानकारी केंद्री खाद्य प्रसंस्करण उद्योग मंत्री चिराग पासवान होरें नमीं दिल्ली च वर्ल्ड फूड इंडिया 2024 दे बारे मीडिया कन्नै गल्ल करदे होई आख्खी। वर्ल्ड फूड इंडिया 2024 इस बरे सितंबर च नमीं दिल्ली च होग। उनें गलाया जे खाद्य प्रसंस्करण क्षेत्र च खरी मती संभावना ऐ जे एह क्षेत्र करसानें दी आमदनी दूरी करने च योगदान देग जेदे कन्नै भारत विकसित बनने दे सुखने गी पूरा करी सकदा ऐ। पासवान होरें इब्बी आखेआ जे इस खतरे दी वजह कन्नै मुलखै च रोजगार दे अवसर बी बधडन। मंत्री होरें बक्ख-बक्ख इलाकें च खाद्य प्रसंस्करण बुनियादी ढांचागत गी तैयार करने बारे बी गल्ल कीती। उनें आखेआ जे ओह अगले 5 बरें दे अंतर्गत फलें, सब्जियें ते बाकी चीजें गी जाया करने कोला बचाने दी कोश्ट करडन। उनें गलाया जे साफ-सफाई ते गुणवत्ता जांच उंदी प्राथमिकता रौहडन।



Yoga Day Rajouri

योगा दिवस दी सारी तयारियां होई चुकी दियां न ते राजौरी जिले च 21 जून गी स्पोर्ट्स स्टेडियम च इस मौके पर इक्क बड्ठा समारोह बी होग। राजौरी दे जिला आयुष अफसर राकेश कुमार हुंदा आखना ऐ जे इस मौके पर तकरीबन 1000-1200 लोक हिस्सा लैडन। स्हाडे जिला संवाददाता शक्ति पाल हुंदा हुंदा कन्नै गल्ल करदे होई जिला आयुष अफसर डॉ. राकेश कुमार होरें आखेआ।



Yoga-Poonch

औने आहले अंतरराष्ट्रीय योगा दिवस दी तयारियां करदे होई पुंछ जिला प्रशासन नै अज्ज उत्थूं दे स्पोर्ट्स स्टेडियम च योगा रिहर्सल प्रोग्राम दा आयोजन कीता। इस अवसर पर बक्ख-बक्ख जिला अफसर, विद्यार्थी ते बक्ख-बक्ख मैहकमें दे कर्मचारी शामिल हे। ए.डी.डी.सी संदेश शर्मा होरें गला जे इस कार्यक्रम दा मकसद समुदाय च योगाभ्यासें दे फायदे दस्सना ते उसी बढावा देना ऐ। इस अवसर पर सब्बनें बधी-चढियै हिस्सा लैता ते बक्ख-बक्ख किस्म दे योगासन ते अभ्यास कीता। स्हाडे जिला संवाददाता अनुभव मिसरी हुंदा कन्नै गल्ल करदे होई ए.डी.डी.सी संदेश शर्मा होरें आखेआ।

